

et Coahuilæ et Texas respective provincias seu Gubernia hujusmodi necnon idem territorium prædictæ terræ de Saltillo ut præfertur nuncupatæ a Diœcesi autem de Mechoacan. præfata de Jaumabe et de Palmillas ac Real de los Infantes et de Tula ut præfertur respective nuncupata loca illorumque respective territoria ac denique a Mexicana Archidiœcesi eas omnes ex prædictis Coloniis in eo circuitu existentes et ab ipsa Archidiœcesi Mexican. dependentes Apostolica Auctoritate præfata itidem perpetuo dismembramus dividimus et separamus ac easdem provincias territoria loca et Colonias hujusmodi sic ut præfertur dismembratas divisas et separatas ac dismembrata divisa et separata necnon omnes et singulas utriusque sexus in eis degentes personas et incolas tam laicos quam Clericos presbyteros beneficiatos et Religiosos cujuscumque status gradus ordinis et conditionis existant ab ordinaria non tamen respectu Archiepiscopi Mexican. Metropolitana jurisdictione potestate et superioritate venerabilium etiam fratrum Nostrorum modernorum quorum ad id expressus respective accedit assensus et pro tempore existentium Archiepiscopi Mexicani præfati ac de Guadalaxara et de Mechoacan respective Episcoporum dicta Apostolica Auctoritate similiter perpetuo disjungimus et eximimus ac respective præfatam terram de Linares per Nos in civitatem Episcopalem ut præfertur erectam necnon provincias seu gubernia et territoria ac loca necnon colonias hujusmodi ut præfertur dismembratas divisas et separatas ac dismembrata divisa et separata et in eis nunc et pro tempore respective ut præfertur degentes personas superius expressas novæ Ecclesiæ Episcopali de Linares illiusque futuro præsuli pro suis civitate territorio Diœcesi Clero et populi ita quod liceat personæ eidem Ecclesiæ de Linares tam nunc a primæva illius erectione et institutione hujusmodi quam deinceps pro tempore quomodolibet Pastoris solatio destitutæ in Episcopum præficiendæ per se vel alium seu alios ejus nomine veram realem actualem et corporalem possessionem seu quasi possessionem administrationis spiritualis et omnimodi juris Diœcesani in dicta terra de Linares in Civitatem Episcopalem per Nos ut præfertur erecta ac in eisdem Provinciis seu Guberniis ac territoriis et coloniis ac locis ut præfertur dismembratis divisis et separatis propria auctoritate libere apprehendere et apprehensam perpetuo retinere ejusdem moderni et pro tempore existentis Archiepiscopi Mexican. vel cujusvis alterius licentia desuper minime acquisita Apostolica Auctoritate præfata etiam perpetuo concedimus et assignamus necnon supponimus, atque subjicimus. Mensæ autem Episcopali de Linares etiam per Nos ut præfertur erectæ pro illius dote ac congrua et sufficienti tum dicti futuri Episcopi de Linares tum pariter futurorum

Capituli et Canonicorum aliorum quæ Cappellanorum Officialium et Ministrorum hujusmodi pro tempore existentium dictæ Cathedralis Ecclesiæ ut præfertur erectæ et institutæ respective sustentatione ac stipendiorum aliorumque onerum præfato Episcopo de Linares pro tempore existenti incumbendum supportatione providere volentes omnes et singulas decimas ex eisdem Provinciis territoriis locis et coloniis ut præfertur dismembratis divisis et separatis ac pro territorio et Diœcesi ejusdem Ecclesiæ Episcopalis de Linares ut præfertur erectæ et institutæ etiam ut præfertur concessis et assignatis ac suppositis et subjectis annuatim obvenire et respective percipi solitas ac eidem Carolo Regi ut præfertur spectantes, deductis tamen prius ex eisdem Decimis duabus nonis dicto Carolo Regi ejusque successoribus Hispaniarum Regibus annuatim debitæ ac omnes et singulos fructus redditus et proventus ipsius Parochialis Ecclesiæ per Nos ut præfertur suppressæ et extinctæ et in Ecclesiam Cathedralis hujusmodi etiam per Nos ut præfertur erectæ et institutæ, dempta tamen etiam annuatim ex illis congrua ac sufficienti portione favore unius ex Cappellanis ut præfertur instituendis hujusmodi seu cujusvis alterius Ecclesiasticæ idoneæque personæ pro animarum parochianorum hujusmodi curæ exercitio ab ipso futuro Episcopo de Linares in dicta Cathedrali Ecclesia ut præfertur erecta et instituta pro tempore deputandi seu deputandæ eidem Mensæ Episcopali de Linares ita quod licet eidem personæ dictæ Cathedrali Ecclesiæ de Linares tam nunc a primæva illius erectione et institutione hujusmodi quam deinceps pro tempore quomodolibet Pastoris solatio destitutæ in Episcopum præficiendæ ejus ac dicte Mensæ Episcopalis nomine supra dictarum decimarum ac fructuum reddituum et proventuum præfatorum veram realem actualem et corporalem possessionem per se vel alium seu alios propria auctoritate libere apprehendere et apprehensam hujusmodi perpetuo retinere illasque et illos respective locare dislocare arrendare percipere exigere recuperare ac in suos et dictæ Mensæ Episcopalis ut præfertur erectæ usus et utilitatem necnon futurorum Capituli et Canonicorum aliorumque Cappellanorum Officialium et Ministrorum præfatorum dictæ Cathedralis Ecclesiæ per Nos ut præfertur erectæ et institutæ ac stipendiorum aliorumque onerum supradictorum supportationem convertere cujusque licentia desuper minime requisita Apostolica Auctoritate præfata similiter perpetuo sicuti in aliis Episcopatum hujusmodi in eisdem Indiis, Erectionibus alias pro tempore factis etiam ut præfertur consuetudo extitit unimus applicamus et appropriamus. Ac preterea eisdem futuris et pro tempore existentibus Capitulo et Canonicis ipsius Cathedralis Ecclesiæ de Linares ut præfertur erectæ et institutæ ut

ipsi eadem prorsus indumenta choralia ac signa et insignia quæcumque tam in dicta Cathedrali Ecclesia de Linares ut præfertur erecta et instituta quam extra eam et tam in processionibus quam aliis actibus et functionibus quibuscumque publicis et privatis etiam extra dictam Civitatem de Linares per Nos ut præfertur erectam ac ubique locorum etiam in Synodalibus Provincialibus et universalibus Conciliis ac etiam in presentia Sanctæ Romanæ Ecclesiæ Cardinalium etiam de latere Legatorum Vicelegatorum Archiepiscoporum Episcoporum ac aliorum quorumcumque ac etiam in ipsius Cathedralis Ecclesiæ de Linares ut præfertur erectæ et institute Choro et Capitulo quibusvis anni temporibus et diebus deferre et gestare ac quibusvis aliis indultis privilegiis exemptionibus et gratiis quæ cæteris aliis Capitulis et Canonicis aliarum Cathedralium Ecclesiarum dicto Archiepiscopo Mexican. Metropolitanico jure præfato ut præfertur subjectarum tam in lumine earum respective erectionum quam subinde etiam per Literas Apostolicas nominatim et in specie reperiuntur concessa etiamsi talia sint quæ specialem notam et mentionem requirant pariformiter uti et gaudere libere et licite possint eadem Apostolica Auctoritate pariter perpetuo concedimus et indulgemus. Ac ulterius præfato Carolo Regi ejusque successoribus Hispaniarum Regibus præfatis jus patronatus et præsentandi ad Ecclesiam de Linares hujusmodi tam hac prima vice a primæva illius erectione et institutione Nobis ut præfertur factis hujusmodi Pastoris solatio destitutam quam deinceps quoties eam etiam apud Sedem Apostolicam pro tempore quomodolibet etiam Pastoris solatio destitui contigerit personam idoneam per Nos et Romanum Pontificem pro tempore existentem ad præsentationem hujusmodi eidem Ecclesiæ de Linares ut præfertur erectæ et institutæ in Episcopum præficiendam ac aliud jus patronatus et præsentandi coram Ordinario loci personas itidem idoneas ad quæcumque tam dignitates etiam majorem post pontificalem quam Canonicatus et Prebendas et alia beneficia et Officia Ecclesiastica quovis nomine nuncupanda in ipsa Cathedrali Ecclesia de Linares pro tempore ab ipso futuro Episcopo de Linares ut præfertur erigenda et instituenda hujusmodi quomodocumque et quotiescumque illas et illos necnon illa de cætero quibusvis modis et ex quorumcumque personis etiam Nostris et Romani Pontificis pro tempore existentis seu quorumvis præfatæ Sanctæ Romanæ Ecclesiæ Cardinalium etiam tunc viventium Familiaribus et continuis Commensalibus seu Romanæ Curie Officialibus aut alias qualitates reservationem et affectionem inducentes habentibus seu per literas etiam ex causa permutationis respective resignationes de illis in dicta Curia vel extra eam etiam coram Notario Publico et testibus respective

factas aut assequutionem aliorum Beneficiorum Ecclesiasticorum quavis auctoritate collatorum vel quamvis aliam dimissionem, amissionem privationem religionis ingressum et professionis in ea emissionem, matrimonii contractum aut alias quomodocumque et qualitercumque etiam apud Sedem Apostolicam præfatam vacare contigerit in eisdem Dignitatibus ac Canonicatibus et Prebendis aliisque Beneficiis et Officiis ut præfertur erigendis hujusmodi ad presentationem eandem per ipsum loci Ordinarium respective instituendas præfato Carolo Regi ejusque Successoribus Regibus præfatis simili Apostolica Auctoritate itidem perpetuo respective reservamus concedimus et assignamus decernentes Juspatronatus et presentandi hujusmodi tam ad dictam Ecclesiam de Linares a Nobis ut præfertur erectam et institutam quam ad easdem dignitates ac Canonicatus et Prebendas præfatos et alia Beneficia et Officia quecumque a dicto futuro Episcopo de Linares ut præfertur erigendas et instituendas ac erigendos et instituendos necnon erigenda et instituenda hujusmodi Regium existere illudque eidem Carolo Regi ejusque successoribus Hispaniarum Regibus præfatis competere ac vim effectum naturam substantiam essentiam qualitatem validitatem et roboris firmitatem juspatronatus Regii hujusmodi obtinere ac uti tale sub quacumque derogatione etiam cum quibusvis pregnantissimis et efficacissimis Clausulis et Decretis in quacumque dispositione etiam per viam Regis Constitutionis Regulæ Cancellariæ Apostolicæ aut alias quomodocumque facta nullatenus comprehendi neque illi ullo umquam tempore et ex quavis causa seu quacumque ratione etiam per Sedem Apostolicam præfatam etiam consistorialiter derogari posse nec derogatum esse censi nisi ipsius Caroli Regis ejusque Successorum Regum præfatorum ad id expressus accedat assensus et si aliter quovis modo derogetur derogationes ipso enim inde sequutis nullius roboris vel momenti fore ac de cætero quascumque Collationes et provisiones de eisdem dignitatibus ac Canonicatibus et Prebendis aliisque Beneficiis et Officiis in dicta Cathedrali Ecclesia de Linares ut præfertur erigendis et instituendis hujusmodi absque prævia ipsius Caroli Regis et ejus Successorum Regum præfatorum presentatione aut consensu quomodolibet pro tempore factas nullas irritas et inanes esse nullique suffragari deberi nec per eas cuiquam jus acquiri vel coloratum titulum possidendi tribui posse ac presentes semper et perpetuo validas et efficaces esse et fore suosque integros et plenarios effectus sortiri et obtinere ac ab omnibus et singulis ad quos nunc spectat et pro tempore spectabit quomodolibet in futurum firmiter et inviolabiliter observari debere ac nullo umquam tempore ex quocumque capite vel qualibet causa quan-

tumvis juridica et legitima etiam ex eo quod causæ propter quas eadem præsentibus emanarunt adductæ verificatæ et justificatæ non fuerint de subreptionis vel obreptionis aut nullitatis vel invaliditatis vitio aut intentionis Nostræ vel quopiam alio quantumvis magno substantiali in excogitato et inexcogitabili ac specialem et individuum mentionem et expressionem requirente defectu seu etiam ex eo quod in præmissis eorumque aliquo solemnitates et quævis alia servanda et adimplenda servata et adimpleta non fuerint aut ex quocumque alio capite de jure vel facto seu statuto vel consuetudine aliqua resultante seu etiam enormis enormissimæ totalisque lesionis aut quocumque alio colore prætextu aliaque ratione vel causa etiam quantumvis justa rationabili legitima juridica pia privilegiata etiam tali quæ ad effectum validitatis premissorum necessario exprimenda foret aut quod de voluntate Nostra et aliis superius expressis nullibi appareret seu alias probari posset notari impugnari invalidari retractari in jus vel controversiam revocari aut ad viam et terminos juris reduci vel adversus illas restitutionis in integrum aperiitionis oris reductionis ad viam et terminos Juris aut aliud quodcumque juris vel facti aut gratiæ vel justitiæ remedium impetrari seu quomodolibet etiam motu scientia et potestatis plenitudine paribus concessio et impetrato vel emanato quempiam uti seu se juvare in iudicio vel extra illud neque easdem presentes sub quibusvis similium vel dissimilium gratiarum revocationibus suspensionibus limitationibus derogationibus aliisque contrariis dispositionibus per quascumque literas et constitutiones apostolicas aut Cancellariæ Apostolicæ præfatæ regulas quandocumque etiam in crastinum assumptionis Nostræ et Successorum Nostrorum Romanorum Pontificum ad Summi Apostolatus Apicem etiam motu scientia et potestatis plenitudine similibus etiam consistorialiter ex quibuslibet causis et sub quibuscumque verborum expressionibus tenoribus et formis ac cum quibusvis Clausulis et Decretis etiamsi in eis de eisdem præsentibus earumque toto tenore a Data specialis mentio fiat editas et in posterum edendas comprehendendi sed semper et omnino ab illis excipi et quoties illæ emanabunt toties in pristinum et validissimum statum restitutas repositas et plenarie reintegratas esse et fore sicque et non alias per quoscumque Iudices Ordinarios vel Delegatos quavis auctoritate fungentes etiam causarum Palatii Apostolici Auditores ac ejusdem Sanctæ Romanæ Ecclesiæ Cardinales etiam de Latere Legatos Vicelegatos dictæque Sedis Nuncios alio suæ quoscumque quavis auctoritate potestate facultate prerogativa ac privilegio fungentes ac honore et præeminentia fulgentes sublata eis et eorum cuilibet quavis aliter indicandi et interpretandi facultate et auctoritate in

quocumque iudicio et in quacumque instantia iudicari et definiri debere irritum quoque et inane si secus super his a quoquam quavis auctoritate scienter vel ignoranter contigerit attentari ac demum ad hoc ut premissa omnia sic per Nos ut præfertur disposita juxta piissima ejusdem Caroli Regis vota suos valeant sortiri effectus prospero felicique successu motu scientia et potestatis plenitudine paribus. Dilectis quoque Filiis Antonio a Jesu Presbytero ac Fratri Ordinis Fratrum Minorum Sancti Francisci de observantia nuncupatorum in Collegio Oppidi seu loci de Pachuca in nova Hispania hujusmodi existente expressæ professio et ab eodem Carolo Rege sub spe præfati Juris patronatus reservationem ei ut præfertur concessam obtinendi ad eandem Ecclesiam de Linares per Nos ut præfertur erectam Nobis præsentato et respective electo Episcopo de Linares necnon ad infrascriptum tamen effectum Vincentio Gonzalez de Santiañez laico illarum partium ac tenenti militum Tribuno alias ut etiam accepimus Novi Santanderii hujusmodi Governatori et in defectum eorum seu alter ulterius alteris personis Ecclesiasticæ scilicet ac pariter ad eundem infrascriptum effectum etiam sæculari eidem Carolo Regi gratis et acceptis et ab ipso Carolo Rege designandis per easdem præsentibus committimus et eadem Apostolica Auctoritate mandamus ut ipsi, Antonius videlicet electus vel alia persona Ecclesiastica sufficiens easdem presentes debitæ executioni demandet easque ab omnibus et singulis ad quos spectat et pertinet observari faciat ac pro ejusdem Cathedralis Ecclesiæ de Linares ut præfertur erectæ et institutæ illiusque reddituum præfatorum ac Sacristiæ et Fabricæ earumque rerum et honorum presentium et futurorum tam spiritualium quam temporalium regimine gubernio et directione ac dignitates erigendas hujusmodi futurorum obtinentium Canonorum aliorumque Cappellanorum Officialium et Ministrorum præfatorum numeri statuitione ac onerum eis pro tempore respective incumbendum Supportatione Missarum Horarum Canonicarum diurnarum et nocturnarum aliorumque Divinorum Officiorum Funeralium et Anniversariorum celebratione ac de Dignitatibus Canonicatibus et Prebendis aliisque beneficiis et Officiis ut præfertur erigendis et instituendis hujusmodi pro tempore providendorum receptione et admissione personali residentia distributionum etiam quotidianarum sicque fuerint in posterum repartitione et administratione pænarum per absentes a Divinis Officiis et Functionibus suis loco et tempore non interessentes seu onera et Ministeria eis respective incumbenda subire negligentes incurrendarum impositione singulorum præsentibus et absentibus notandis cæremoniis et Functionibus in dicta Cathedrali Ecclesia sic ut præfertur erecta et ins-

tituta illiusque Choro Capitulo processionibus et aliis actibus servandis necnon Ministris ejusdem sic erectæ Cathedralis Ecclesiæ deputandis et amovendis salariis et stipendiis eorum cuilibet assignandis et quibusvis aliis rebus in premissis et circa ea quomodolibet necessariis et opportunis quæcumque statuta Capitula ordinationes et Decreta licita tamen et honesta ac sacris Canonibus necnon Decretis et Constitutionibus Apostolicis non contraria ac alias ad tramites statutorum dictæ Metropolitanæ Ecclesiæ Mexican. curet edere et condere. Dictus vero Vincentius seu quævis alia Secularis et idonea persona etiam ut præfertur sufficiens limites et confinia Novæ Diocesis de Linares juxta præmissa præfinit determinet et assignet ac tam ipse Vicentius quam dictus Antonius electus seu respective utraque ut præfertur sufficiens persona quecumque obstacula et impedimenta ex parte cujuscumque personæ super præmissis quomodolibet oritura auctoritate eis a Nobis per easdem presentes attributa prorsus dirimere et remove satagant et super illis eorum quisque in demandato sibi munere servatis servandis etiam definitive et appellatione remota pronunciet, ita tamen ut alter alteri non dissentiat sed eorum vel dictarum personarum uterque juxta injunctum eis respective Officium in supra dictis omnibus agere et procedere debeat non obstan. Nostris et Cancellariæ Apostolicæ præfate regulis de Jure quesito non tollendo ac de unionibus et applicationibus ad partes committendis et de exprimendo, in eis vero annuo beneficiorum Ecclesiasticorum valore necnon Lateranensis Concilii novissime celebrati uniones perpetuas nisi in casibus a jure permissis fieri et ab Ecclesiis membra distingui ac dividi prohibentis aliisque etiam in Synodalibus Provincialibus ac Universalibus Conciliis editis vel edendis specialibus vel generalibus Constitutionibus et Ordinationibus Apostolicis privilegiis quoque Indultis et Litteris Apostolicis quibusvis Superioribus et Personis sub quibuscumque tenoribus et formis ac cum quibusvis etiam derogatoriis derogatoriis aliisque efficacioribus efficacissimis et in solitis Clausulis ac irritantibus et aliis Decretis in genere vel in specie etiam motu scientia et potestatis plenitudine paribus pro tempore concessis et concedendis quibus omnibus et singulis etiam pro illorum sufficienti Derogatione alias de illis eorumque totis Tenoribus specifica expressa et individua ac de verbo ad verbum non autem per clausulas generales idem importantes mentio aut quævis alia expressio aut quælibet alia etiam exquisita forma ad hoc servanda forent tenores hujusmodi ac si de verbo ad verbum nihil penitus omisso et forma in illis tradita observata etiam inserti forent eisdem præsentibus pro plene et sufficienter expressis et insertis habentes illis alias in suo robore per-

mansuris latissime et plenissime ad præmissorum validissimum effectum specialiter et expresse necnon opportune et valide hac vice dumtaxat motu scientia et potestatis plenitudine paribus harum serie derogamus ceterisque contrariis quibuscumque. Volumus autem quod fructus ejusdem Episcopalis Ecclesiæ de Linares ut præfertur erectæ et institutæ ad trigintatres florenos auri cum uno tertio alterius floreni similis de more taxari et hujusmodi taxa in Libris Cameræ Apostolicæ describi debeant. Volumus etiam quod earumdem præsentium transumptis et exemplis etiam impressis ac manu seu caractere alicujus Notarii publici subscriptis sigilloque personæ in Dignitate Ecclesiastica constitutæ munitis eadem prorsus fides in judicio et extra illud adhibeatur que eisdem præsentibus Originalibus haberetur si forent exhibitæ vel ostensæ. Nulli ergo omnino hominum liceat hanc paginam Nostræ suppressionis extinctionis erectionis institutoris dismembrationis divisionis separationis disjunctionis exemptionis concessionis assignationis, suppositionis, subjectionis unionis applicationis, appropriationis indulti reservationis decreti commissionis mandati derogationis et voluntatis infringere vel ei ausu temerario contraire; si quis autem hoc attentare præsumserit indignationem Omnipotentis Dei ac Beatorum Petri et Pauli Apostolorum ejus, se noverit incursurum. Datum Romæ apud Sanctum Petrum Anno Incarnationis Dominicæ millesimo septingentesimo septuagesimo septimo decimo octavo calendas Januarii Pontificatus Nostri anno tertio.

---

PÁGINA 172, LÍNEA 3.

*Lo hizo trocar el blasón de sus abuelos por la palabra HUMILITAS que adoptó por armas.*

Después de impresas estas líneas, cayó en manos del autor la nueva Vida de San Carlos Borromeo, por el Canónigo Sylvain. En ella, refiriéndose al Ripamonti, se lee que el *Humilitas* en letra gótica, y coronado con una diadema, era blasón antiguo de los Borromeos, aun antes del Santo, adoptado por su antecesor Enobardo, *ad Romani belli piaculum*.

---

PÁGINA 213, LÍNEA 3.

*¿ Seminario tiene ?*

PÁGINA 281, LÍNEA 23.

*Aunque parece caricatura este cuadro, os aseguro que lo he tomado del natural.**Véase un folleto titulado: Edictos y Circulares del (segundo) Obispo de Tamaulipas, 1883-84.—Guadalajara, Imprenta de Ancira, 1884, páginas 21, 22 y 23.*

PÁGINA 410, LÍNEA 14.

*Durante su reinado, ningún reo ha sido conducido al patíbulo.**Después de predicado este sermón, el mismo rey Humberto ha firmado ya más de una sentencia de muerte.*

PÁGINA 528, LÍNEA 14.

*También Marcelino quemó incienso á los ídolos.**En las lecciones del Breviario Romano, corregidas por orden del reinante Pontífice León XIII, se niega este hecho.*

FIN DEL TOMO TERCERO.



## ÍNDICE DEL TOMO TERCERO.

	PAGS.
Advertencia Preliminar.....	v
Edicto anunciando la Primera Visita General de la Diócesi de Linares.....	1
Sermón predicado en la Parroquia de Santiago del Saltillo, el 3 de Octubre de 1880, al terminar la Visita Pastoral de la misma.....	31
Indulto Cuaresmal para 1881.....	53
Carta Pastoral sobre los recientes atentados de Roma y el Obolo de San Pedro.....	65
Discurso pronunciado en la distribución de premios del Seminario Conciliar de Monterrey, la tarde del 5 de Setiembre de 1880.....	83
Discurso leído en la Distribución de Premios del Seminario de Monterrey, la noche del 30 de Octubre de 1881.....	99
Discurso leído en la distribución de premios del Colegio Seminario de Monterrey, la noche del 15 de Octubre de 1882.....	117
Discurso leído en la Distribución de Premios del Seminario de Monterrey, la tarde del 7 de Octubre de 1883.....	129
Discurso leído en la distribución de premios del Seminario de Monterrey, el 4 de Noviembre de 1884, tercer aniversario secular del glorioso tránsito de San Carlos Borromeo.....	149
Discurso pronunciado en la distribución de premios del colegio de San Juan Nepomuceno del Saltillo, la noche del 12 de Setiembre de 1880.....	175